



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

§. 1. De transitu Gallorum in Italiam.

urn:nbn:de:hbz:466:1-13120

CAPVT II.

Galliae Cisalpinae Historica.

AD discrimen veræ Galliæ quæ dicta est *Vlterior & Ultima*, & *Transalpes*, & *Gallia Subalpina*, Regio de quâ agimus vocata fuit *Citerior Gallia*, *Gallia intra Alpes*, *Subalpina Italia*, *Gallia Circumpadana*, *Italia Gallica*, *Gallia Togata*, scilicet ad discrimen Galliæ quæ Braccis vtebatur, ex quo Togam, Italicam vestem, Galli eò transmissi assumperunt. Porro agemus hoc capite 1. de transitu Gallorum in eam regionem, deinde de eius finibus, tum de Alpibus eam ambientibus, denique de Pado Fl. hanc alluente.

§. I. De transitu Gallorum in Italianam.

CAVSA huius quadruplex ex variis historicis colligitur. *Prima*, intestina discordia, sic Iustinus. *Secunda*, ficus, vuæ, vinum, oleum quæ Elico fabrilem artem Romæ professus domum retulit; Plinius lib. 12. cap. 10. Liuius lib. 5. *Tertia*, immensa hominum multitudo quam Gallia non poterat alere; sic Plutarchus in Camillo, Zonaras Ann. lib. 2. Iustinus lib. 24. vbi notat trecenta hominum millia exiisse ad quærendas nouas sedes. *Quarta*, Gallos duces cupiditate lœtissimæ, & amoenissimæ regionis, quam præ oculis habebant, leui causâ ad hanc expeditionem commotos esse; Polybius lib. 2.

MODVS, & **T**EMPVS. Ad tollendam confusionem inter opiniones auctorum, historiam hanc ex omnibus scriptoribus probabiliter sic concinno, ex Polybio, Liuio, Plutarcho, Iustino, Strabone, &c.

Celtæ qui regionem incoluerunt inter Sequanam, & Matronam Fluuios, *la Seine & la Marne*, montemque Gebennam *les Senenes*, &c. penes Biturigas eorumque regem Ambigatum fuerunt: is Ambigatus cùm videret hominum multitudine, & seditione regionem suam prægrauari, sororis suæ filios Bellouesum, & Sigouesum ad nouas sedes quærendas cum trecentis circiter bellatorum milibus emisit. Sigouesus suos Boios deduxit in Boiohæmiam, vnde regioni nomen in Germaniâ: Bellouesus cum aliis conflatis

Hatis ex variis nationibus Cenomanis, Aruernis, Senonibus, Boiis & aliis in Italiam transire molitus, consedit primum in parte Gallia quæ postea Narbonensis dicta est, vbi & Massiliensibus auxilio fuit; at hæc condita Olymp. 45. Vrb. cond. 154. Tarquinij Prisci 14. quando contigit

Prima Transmigratio cùm per Alpes Taurinas transiit cum Insulibus suis Bellouesus, & regionem ad Mediolanum occupauit.

Secunda Migratio, seu *expeditio* fuit Cenomanorum paulò post sub Elitouio duce, per eisdem Taurinas Alpes. De tempore hoc statui potest, eos non multis annis interiectis transiisse, quia Liuius lib. 5. ait eos Alpes transiisse Belloueso fauente.

Tertia expeditio Libicorum fuit, sed quo Duce, aut tempore non constat; & eodem itinere cum superioribus, ex Liuio, videntur transiisse.

Quarta Migratio, Boiorum fuit, & Lingonum, qui non videntur eò irrupisse ante annum Vrbis conditæ 232. Olymp. 64. annum 3. Tum enim Umbri cum Etruscis qui Padum accolebant, oppugnabant Cumas, vt ait Dion. Halic. lib. 7. at Etrusci expulsi sunt à Boiis & Lingonibus, vt habet Liuius.

Quinta denique & extrema expeditio, fuit Senonum quæ incidunt videtur in annum V. C. 359. tunc enim ait Liuius lib. 5. Etruscos dixisse in concilio non posse se iuuare Veios contra Romanos, quod haberent nouos incolas Gallos cum quibus nec pax satis fida, nec bellum pro certo esset. Certè iidem post quatuor annos hoc est Olymp. 97. an. 2. Clusium obsederunt, & sequenti Romanam incenderunt V. C. 364. Olymp. 97. an. 3.

Quæritur utrum hi Galli vrbes habuerint, an tantum in vicis habitarint? Qui negant vrbes condidisse, nituntur auctoritate Plini lib. 19. cap. 1. & Strabonis lib. 5. ex Polybio, vbi vocatur Mediolanum vicus, additürque Gallos vicos incoluisse. Qui aiunt, inituntur Plutarcho dicenti in Camillo Gallos in 18. yrribus Etruscorum quos depulerant, habitasse.

§. 2. De Finibus Galliæ Cisalpinæ.

QVID QVID terrarum fuit ab Arsia Fluvio ad Æsim usque, & Anconam, & à Varo Fl. ad Arnum sub Coss. Romanis Galliæ Cisalpinæ adjudicatum est. De Arsia Fl. probatur; quia lanæ Alt.

Parall. Geogr. Tom. II.

Xxx